

漢魏六朝百三家集

北魏

第九十冊

高令公
溫侍讀

漢魏六朝百三大家集

卷八

卷八

卷八

高令公集

高令公集題詞

游廣平論高伯恭寬中似卓公洪量

高

令

公

集

避惟有悟主以誠勿欺可免伯恭引

罪在身殆得樽酒納約之義加以儲

高令公集題詞

游廣平論高伯恭寬中似卓公洪量
似文饒風節似汲長孺予心慙之國
史刊石司徒獄興劒芒在前龍蛇莫
避惟有悟主以誠勿欺可免伯恭引
罪在身殆得樽酒納約之義加以儲

宮請命嚴君改顏應對獲全非無故
也崔公注詩論語尚書易閔湛郅櫟
稱其精微過于馬鄭王賈伯恭有左
氏公羊釋毛詩拾遺論雜解議何鄭
膏盲事百餘篇今俱不傳崔族銷滅
言論宜廢高令公寵周五帝年享百

齡而談經之書不與墓石同永子孫
典守聿修安在徵士頌感逝懷人三
十有四紵縞絳韋紛集於懷答宗著
作詩表丹歲寒能言其志觀彼生平
求友分深愛敬終始不獨於君臣有
情也集中文字如上書東宮諫起宮

室矯頽俗五異及樂平王著論皆耿
介有聲餘亦整而不污漢初張丞相
耆壽吉祥事畧彷彿惜年代久遠筆
札絕少有愧伯恭試列之北朝文苑
雖遜步崔公而開疆邢魏固當日之
先正也

婁東張溥題

高令公集目錄

賦

鹿苑賦

表

進天文要畧表

郡國建學表

疏

矯頽俗疏

諫起宮室疏

上書

諫東宮上書

書

答宗欽書

頌

北伐頌

徵士頌

有序

論

著論

訓

酒訓
有序

祭文

祭岱宗文

詩

羅敷行

王子喬

答宗欽十三章

詠貞婦彭城劉氏八章

附錄

本傳

高令公集目錄終

高令公集卷全

魏渤海高允伯恭著

明太倉張溥評閱

賦

鹿苑賦

啓重基於朔土，系軒轅之洪裔。武承天以作主，熙大明以御世。灑靈液以滂沱，扇仁風以遐被。踵姬文而築苑，包山澤以開制。植群物以充務，蠲四民之常稅。暨我皇之繼統，誕天縱之明獻。

追鹿埜之在昔、興三轉之高義、振幽宗於已永、
曠千載而可寄、於是命匠選工、刊茲西嶺、注誠
端思、仰模神影、庶真容之髣髴、耀金暉之煥炳、
卽靈嵒以構宇、竦百尋而直正、絙飛梁於浮柱、
列荷華於綺井、圖之以萬形、綴之以清永、若祇
洄之瞪對、孰道場之塗迴、嗟神功之所建、超終
古而秀出、寔靈祇之協贊、故存貞而保吉、鑿仙
窟以居禪、闢重階以通術、澄清氣於高軒、佇流
芳於王室、茂花樹以芬敷、涌醴泉之洋溢、祈龍

宮以降雨，俾膏液於星畢。若乃研道之倫，行業
貞簡，慕德懷風，杖策來踐。守應貞之重禁，味三
藏之淵典。或步林以經行，或寂坐而端宴。會衆
善以並臻，排五難而俱遣。道欲隱而彌彰，名欲
毀而逾顯。伊皇輿之所幸，每垂心於華園。樂在
茲之閒敞，作離宮以榮築。固爽塏以崇居，枕平
原之高陸。恬仁智之所懷，眷山水以肆目。玩藻
林以遊思，絕鷹犬之馳逐。眷耆年以廣德，縱生
生以延福。慧愛內隆，金聲外發。功濟普天，善不

自伐尚諮賢以問道、詢芻蕘以補闕、盡敬恭於
靈寺、遵晦望而致謁、奉請戒以畢日、兼六時而
宵月、何精誠之至到、良九劫之可越、資聖王之
遠圖、豈循常以明教、希縉雲之上升、羨頂生之
高蹈、思離塵以邁俗、涉玄門之幽奧、禪儲宮以
正位、受太上之尊號、既存無而御有、亦執靜以
鎮躁、覩天規於今日、尋先哲之遺誥、悟二乾之
重蔭、審明離之並照、下甯濟於兆民、上尅光於
七廟、一萬國以從風、總羣生而爲導、正南面以

無爲永措心於冲妙夫道化之難期幸微躬之
遭遇逢扶桑之初開邁長夜之始曙顧衰年以
懷傷惟負忝以危懼敢布心以陳誠效鄙言以
自著